

Don Paolo e al su parochi

Te nost paisin ad Varzien
nun ai stem propria ben
avem e prit che us dà un gran da fè
e per al su dò parochi e cor tot e dè,
mel impegn e riunion
per risolv tot al question.
E su tragerd l'è quel da fè tot una famea
che as vlema ben e a campema in armonea
tutti fratelli e predga da l'altera
perché la vita i sé la è piò bela.
Per riunì insen tot la zenta
una u la studia e clelta u la inventa
purtision, bindizion e ruseri
leturi ad vangili e meditazion siri
spus zomni e spus bazut
i s'artrova per discut
ogn'un e dis la su
sl'esperienza che la visù.
Da quant l'è arvat i què
tot a sem un po' cambiè
perché ogn'un per quel che sa fè
e zirca da aiutè e da urganize.
Chi taia l'erba,chi i buschet,
chi radana i pan per i puret,
chi fa catechismi anche mi piò znin,
chi porta la cumunion ma i'anzien,
chi raduna beli tavledi
per fè grandi magnedi,
chi sona e chi chenta
per arcoi sopra piò zenta,
cuncert, spetacli,cumedi dialeteli,
giti,campeg e vachenzi sopra piò beli,
zug per tot alg'età
festi per tot la cumunità.
A cmanzè da e carnivel
per arvè fina a Nadel
agl'iniziativi l'in' amenca sicur
e ui né per tot la stmena e anche la soira te scur.
In conclusion don Peuli us vo fè capì
che avem da dvantè tot piò bun prima ad murì
si nò San Pitri un si varzrà la porta
e un gni sarà piò un'enta volta.